

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1826/21
Sarajevo, 14.10.2021. godine

Z A P I S N I K
**13. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 30.9. i 14.10.2021. godine**

Sjednica je počela sa radom u 12:15 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio prisutne delegate te napomenuo da se i ova sjednica održava pod posebnim epidemiološkim pravilima.

Izostanak sa sjednice su opravdali: Goran Broćeta, Marija Rašić, Ivo Tadić, Senad Ahmetović, Mirela Grbešić-Trepanić i Ilija Ilić.

Prema evidenciji Stručne službe sjednici prisustvuje 41 delegat, što čini većinu, pa Dom naroda može raditi i punovažno odlučivati.

Prije utvrđivanja dnevnog reda, na osnovu člana 104. Poslovnika o radu Doma naroda Parlamenta Federacije BiH delegati, ukoliko žele, mogu postavljati delegatska pitanja i podnositi inicijative.

Zdenka Džambas je postavila pitanje Vladi Federacije BiH u vezi faze izrade Prijedloga zakona o plinovodu i južnoj interkonekciji BiH - Republika Hrvatska. Ona je također istakla da je Dom naroda usvojio Nacrt ovog zakona 28.1.2021. godine.

Alisa Hajdarović postavila je pitanje Gender centru FBiH u vezi konkretnih aktivnosti i efekata istih koje centar poduzima na većoj zastupljenosti žena u izvršnoj i zakonodavnoj vlasti.

Zvonko Marić je postavio pitanje Vladi Federacije i resornim ministrima u vezi iznosa nedoznačenih sredstava prema Javnom preduzeću Željeznice Federacije BiH d.o.o. Sarajevo na koje se Vlada obavezala po osnovu Zakona o finansiranju željezničke infrastrukture i sufinansiranju putničkog i kombiniranog transporta u periodu od 2004. godine.

Sandra Imširović je uputila jednu Inicijativu i postavila jedno delegatsko pitanje. Inicijativu je uputila Federalnom zavodu zdravstvenog osiguranja i Federalnom ministarstvu zdravstva da pristupe izradi registra oboljelih od rijetkih oboljenja.

Delegatsko pitanje je postavila Agenciji za ravnopravnost spolova vezano za planirane aktivnosti ili projekte ove Agencije u 2021. i u 2022. godini za predstavnice političkih partija.

Damir Džeba je ponovo postavio pitanje Upravnom odboru, Programskom vijeću i direktoru RTV FBiH, vezano za osnove po kojima je Regulatorna agencija za komunikacije izrekla kazne Federalnoj televiziji jer, kako je rekao, nije dobio potpune odgovore koje je uputio 27.5.2021. godine na 11. sjednici Doma naroda.

Damir Marjanović je postavio pitanje federalnom ministru pravde u kojoj fazi je izrada izmjena Krivičnog zakona Federacije BiH i da li će izmjenama biti tretirano kažnjavanje govora mržnje.

Aner Žuljević je postavio pitanje Vladi Federacije odnosno resornom ministarstvu u vezi podizanja cijene prema privrednim subjektima u periodu kada je privreda zemlje u jako teškoj situaciji.

Drugo pitanje je postavio resornom ministarstvu vezano za Aluminij u Mostaru i iznenadne gubitke koje je ova kompanija pretrpjela.

Jasmin Duvnjak je uputio jednu Inicijativu i postavio dva delegatska pitanja. Napomenuo je da je Inicijativu već uputio Predstavničkom domu prije par godina, a tiče se smanjivanja cijena putarina u FBiH te naglasio da traži od Javnog preduzeća Autoceste Federacije BiH da, uz inicijative koje već postoje od poslodavaca, razmotre mogućnost dodatnog smanjivanja cijene putarina.

Prvo delegatsko pitanje je postavio vezano za rekonstrukciju i modernizaciju petlje na magistralnom putu M17 Zenica - Blatuša.

Drugo pitanje je postavio Vladi Federacije BiH u vezi sa planiranim aktivnostima koje namjerava poduzeti u smislu rješavanja pitanja imovine bivšeg Federalnog ministarstva odbrane, Vojske Federacije BiH, Carinske uprave FBiH i Federalne obavještajne agencije.

Zvonko Marić je izrazio želju da Vlada Federacije BiH, dostavi podatke o upotrebi tehničkog kisika, kako bi građani bili mirni po tom pitanju.

Predsjedavajući je, nakon toga prešao na utvrđivanje dnevnog reda.

Nijaz Musić je u smislu dopune dnevnog reda predložio Informaciju o realizaciji projekta na cestovnom povezivanju Goražda sa Sarajevom, odnosno o projektu tunela Hranjen.

Vesna Saradžić je predložila da se u dnevni red uvrsti Nacrt zakona o dopunama Zakona o električnoj energiji kojeg je Predstavnički dom usvojio u formi Nacrta.

Također je naglasila da je uputila urgenciju za uvrštavanje u dnevni red Informacije vezane za realizaciju Zaključka koju je Dom naroda usvojio na prošloj sjednici, a kojim se zadužuje Vlada Federacije BiH i resorna ministarstva da se aktivno uključe u

zaštitu entiteta Federacije od posljedica izgradnje hidroelektrane Ulog i uputila molbu da joj se dostave podaci vezani za poduzete korake prema Vladi Federacije BiH.

Aner Žuljević je predložio da se u dnevni red uvrsti Nacrt Zakona o posebnom registru lica pravosnažno osuđenih za krivična djela protiv spolne slobode i morala prema djeci i maloljetnicima u Federaciji, te da se radi o Nacrtu zakona koji je prije dvije godine usvojen u Predstavničkom domu.

Tomislav Martinović je nakon toga obavijestio delegate da Informaciju koju je Vlada Federacije BiH trebala dostaviti, Dom naroda još nije dobio, pa ona nije mogla biti ni uvrštena u dnevni red, pa je jedini način intervencija prema Vladi Federacije BiH da se taj dio završi, odnosno da se ispoštuje Zaključak ovog Doma.

Predsjedavajući je također predložio da se zakoni koji su predloženi za uvrštavanje u dnevni red, razmatraju na narednoj sjednici kako bi delegati imali vremena da se dovoljno informišu o materiji.

Nijaz Musić se složio s predsjedavajućim da je najbolje pričekati da Vlada Federacije BiH dostavi tu Informaciju i odustao od pojedinačnog izjašnjavanja o njegovom prijedlogu za uvrštavanje u dnevni red.

Predsjedavajući je obavijestio delegate da je Vlada Federacije BiH dostavila Prijedlog zakona o zaštiti prava na suđenje u razumnom roku s prijedlogom da se razmatra po hitnom postupku.

Predstavnički dom Parlamenta Federacije BiH razmatrao je Prijedlog zakona o zaštiti prava na suđenje u razumnom roku i vratio ga u redovan postupak, odnosno u formu Nacrta i kao takvog ga prihvatio.

Predsjedavajući je obavijestio delegate da je prijedlog Kolegija Doma naroda da se Prijedlog zakona o zaštiti prava na suđenje u razumnom roku razmatra u formi Nacrta.

Na osnovu rezultata glasanja, predsjedavajući je konstatovao da je ovaj prijedlog dobio potrebnu većinu, sa 44 glasa za, bez glasova protiv i bez suzdržanih.

Vlada Federacije BiH je također dostavila Prijedlog zakona o izmjenama i dopunama Zakona o zaštiti korisnika finansijskih usluga s prijedlogom da se razmatra po hitnom postupku.

Predstavnički dom Parlamenta Federacije BiH je ovaj zakon razmatrao u formi Nacrta i kao takvog ga prihvatio.

Predsjedavajući je obavijestio delegate da je prijedlog Kolegija Doma naroda da se i Prijedlog zakona o izmjenama i dopunama Zakona o zaštiti korisnika finansijskih usluga razmatra u formi nacrta.

Na osnovu rezultata glasanja, predsjedavajući je konstatovao da je ovaj prijedlog dobio potrebnu većinu, sa 45 glasova za, bez glasova protiv i bez suzdržanih glasova.

Vlada Federacije BiH dostavila je Prijedlog zakona o dopunama Zakona o prostornom planiranju i korištenju zemljišta na nivou Federacije Bosne i Hercegovine s prijedlogom da se razmatra po skraćenom postupku.

Predstavnički dom Parlamenta Federacije BiH razmatrao je ovaj zakon po skraćenom postupku i kao takvog ga prihvatio.

Prijedlog Kolegija Doma naroda je da ga i Dom naroda zbog malog obima izmjena razmatra po skraćenom postupku.

Na osnovu rezultata glasanja, predsjedavajući je konstatovao da je prijedlog Kolegija Doma naroda da se Prijedlog zakona o dopunama Zakona o prostornom planiranju i korištenju zemljišta na nivou Federacije Bosne i Hercegovine razmatra po skraćenom postupku dobio potrebnu većinu, sa 45 glasova za, bez glasova protiv i bez suzdržanih.

Vlada Federacije BiH također je dostavila i Prijedlog zakona o izmjenama i dopunama Zakona o Poreznoj upravi Federacije Bosne i Hercegovine s prijedlogom da se razmatra po skraćenom postupku.

Prijedlog Kolegija Doma naroda je da se ovaj zakon razmatra u formi nacрта.

Na osnovu rezultata glasanja, predsjedavajući je konstatovao da je prijedlog Kolegija Doma naroda da se Prijedlog zakona o izmjenama i dopunama Zakona o Poreznoj upravi Federacije Bosne i Hercegovine razmatra u formi nacрта, dobio potrebnu većinu sa 44 glasa za, bez glasova protiv i bez suzdržanih glasova.

Delegat u Domu naroda Stipan Šarac podnio je Prijedlog zakona o izmjeni i dopuni Zakona o sudovima u Federaciji Bosne i Hercegovine s prijedlogom da se razmatra po skraćenom postupku.

Predstavnički dom Parlamenta Federacije BiH je također razmatrao Prijedlog zakona o izmjeni i dopuni Zakona o sudovima u Federaciji Bosne i Hercegovine po skraćenom postupku i prihvatio ga.

Prijedlog Kolegija Doma naroda je da ga i Dom naroda zbog malog obima izmjena razmatra po skraćenom postupku.

Na osnovu rezultata glasanja, predsjedavajući je konstatovao da je prijedlog Kolegija da se Prijedlog zakona o izmjeni i dopuni Zakona o sudovima u Federaciji Bosne i Hercegovine razmatra po skraćenom postupku, dobio potrebnu većinu sa 46 glasova za, bez glasova protiv i bez suzdržanih.

Delegat u Domu naroda Vibor Handžić i poslanica u Predstavničkom domu Parlamenta Federacije BiH, Sanela Klarić, podnijeli su Prijedlog zakona o izmjeni i dopuni Zakona o novčanim potporama u poljoprivredi i ruralnom razvoju s prijedlogom da se razmatraju po skraćenom postupku.

Predstavnički dom Parlamenta Federacije BiH razmatrao je ovaj zakon u formi Nacrta i kao takvog ga usvojio.

Prijedlog Kolegija Doma naroda je da Dom naroda također razmatra ovaj zakon u formi nacrta.

Na osnovu rezultata glasanja, predsjedavajući je konstatovao da je prijedlog Kolegija da se Prijedlog zakona o izmjeni i dopuni Zakona o novčanim potporama u poljoprivredi i ruralnom razvoju razmatra u formi nacrta zakona, dobio potrebnu većinu sa 46 glasova za, bez glasova protiv i bez suzdržanih glasova.

Delegati u Domu naroda Fahrudin Skopljak i Ivo Tadić podnijeli su Prijedlog zakona o izmjenama Zakona o penzijskom i invalidskom osiguranju s prijedlogom da se razmatra po skraćenom postupku.

Predsjedavajući je podsjetio delegate da je premijer Vlade FBiH 27.9.2021. godine uputio Domu naroda dopis kojim traži da se odloži razmatranje Prijedloga zakona o izmjenama Zakona o penzijskom i invalidskom osiguranju – skraćeni postupak, kojeg su predložili Fahrudin Skopljak i Ivo Tadić, s obzirom da je Vlada Federacije BiH aktom broj: 03-02-649/21 od 17.9.2021. godine u parlamentarnu proceduru dostavila Prijedlog zakona o izmjenama i dopunama Zakona o penzijskom i invalidskom osiguranju koji uređuje istu materiju, a kojim se istovremeno implementiraju presude Ustavnog suda.

Predsjedavajući je, nakon toga, u skladu sa Poslovníkom Doma naroda Parlamenta Federacije BiH, stavio na glasanje prijedlog da se Prijedlog zakona o izmjenama Zakona o penzijskom i invalidskom osiguranju skinu s dnevnog reda.

Na osnovu rezultata glasanja, predsjedavajući je konstatovao da je ovaj zahtjev razmatran te da nije dobio potrebnu većinu, bez glasova za, sa 33 glasa protiv i 10 suzdržanih glasova.

Nakon toga, predsjedavajući je stavio na glasanje prijedlog da se Prijedlog zakona o izmjenama Zakona o penzijskom i invalidskom osiguranju po prijedlogu delegata Fahrudina Skopljaka i Ive Tadića razmatra po skraćenom postupku.

Na osnovu rezultata glasanja, predsjedavajući je konstatovao da je ovaj prijedlog dobio potrebnu većinu, sa 42 glasa za, bez glasova protiv i jednim suzdržanim glasom.

Predsjedavajući je nakon toga konstatovao da je Dom naroda Parlamenta Federacije BiH jednoglasno sa 44 glasa usvojio sljedeći:

DNEVNI RED

1. a) Informacija o epidemiološkoj situaciji COVID-19 u Federaciji Bosne i Hercegovine na dan 12.7.2021.godine s prijedlogom naredbi i preporuka Kriznog štaba Federalnog ministarstva zdravstva,

b) Informacija o epidemiološkoj situaciji COVID-19 u Federaciji Bosne i Hercegovine na dan 26.7.2021.godine s prijedlogom naredbi i preporuka Kriznog štaba Federalnog ministarstva zdravstva

2. Prijedlog zakona o dopunama Zakona o prostornom planiranju i korištenju zemljišta na nivou Federacije Bosne i Hercegovine - skraćeni postupak,
3. Prijedlog zakona o izmjeni i dopuni Zakona o sudovima u Federaciji Bosne i Hercegovine, (predlagač: Stipan Šarac, delegat u Domu naroda Parlamenta Federacije BiH) - skraćeni postupak,
4. Prijedlog zakona o izmjenama Zakona o penzijskom i invalidskom osiguranju - (predlagači: Fahrudin Skopljak i Ivo Tadić, delegati u Domu naroda) skraćeni postupak,
5. Prijedlog zakona o izmjenama i dopunama Zakona o registraciji poslovnih subjekata u Federaciji Bosne i Hercegovine,
6. Nacrt zakona o zaštiti prava na suđenje u razumnom roku,
7. Nacrt zakona o izmjenama i dopunama Zakona o zaštiti korisnika finansijskih usluga,
8. Nacrt zakona o izmjenama i dopunama Zakona o Poreznoj upravi Federacije Bosne i Hercegovine,
9. Nacrt zakona o izmjeni i dopuni Zakona o novčanim podrškama u poljoprivredi i ruralnom razvoju - (predlagači: Sanela Klarić, poslanica u Predstavničkom domu i Vitor Handžić, delegat u Domu naroda),
10. Nacrt zakona o izmjenama i dopunama Zakona o izvršnom postupku,
11. Nacrt zakona o izmjeni Zakona o pripadnosti javnih prihoda u Federaciji Bosne i Hercegovine (predlagači: Jasmin Duvnjak, Ivo Tadić i Slađan Ilić, delegati u Domu naroda),
12. Izvještaj Parlamentarne komisije odgovorne za reviziju o izvještajima revizije finansijskih izvještaja javnih preduzeća, agencija, zavoda i fondova iz nadležnosti Parlamenta Federacije Bosne i Hercegovine za 2017., 2018. i 2019. godinu,
13. Izvještaj Parlamentarne komisije odgovorne za reviziju o revizijskim izvještajima revidiranih subjekata i korisnika Budžeta Federacije BiH za 2019. godinu.

1. a) **Informacija o epidemiološkoj situaciji COVID-19 u Federaciji Bosne i Hercegovine na dan 12.7.2021.godine s prijedlogom naredbi i preporuka Kriznog štaba Federalnog ministarstva zdravstva,**
- b) **Informacija o epidemiološkoj situaciji COVID-19 u Federaciji Bosne i Hercegovine na dan 26.7.2021.godine s prijedlogom naredbi i preporuka Kriznog štaba Federalnog ministarstva zdravstva**

Informacije je obrazložio Goran Čerkez, predstavnik Vlade Federacije BiH.

Predstavnički dom Parlamenta Federacije BiH obavijestio je Dom naroda da je na 24. sjednici održanoj 27.7.2021. godine razmatrao i primio k znanju Informaciju o epidemiološkoj situaciji COVID-19 u Federaciji Bosne i Hercegovine na dan 12.7. i 26.7.2021. godine s prijedlogom naredbi i preporuka Kriznog štaba Federalnog ministarstva zdravstva i Informaciju o sastanku Odbora za koordinaciju Plana vakcinacije protiv COVID-a 19 u Federaciji BiH sa kantonalnim ministarstvima zdravstva u uvjetima četiri varijante virusa SARS COV-2.

Informaciju su razmatrala nadležna radna tijela.

U raspravi su učestvovali Damir Marjanović, Zvonko Marić, Senad Čeljo, Tomislav Martinović i Goran Čerkez.

Predsjedavajući je konstatovao da je Dom naroda primio k znanju Informaciju o epidemiološkoj situaciji COVID-19 u Federaciji Bosne i Hercegovine na dan 12.7. i 26.7.2021. godine s prijedlogom naredbi i preporuka Kriznog štaba Federalnog ministarstva zdravstva.

2. Prijedlog zakona o dopunama Zakona o prostornom planiranju i korištenju zemljišta na nivou Federacije Bosne i Hercegovine – skraćeni postupak,

Prijedlog zakona utvrdila je Vlada Federacije BiH.

Predstavnički dom Parlamenta Federacije BiH je obavijestio Dom naroda da je usvojio Prijedlog zakona o dopunama Zakona o prostornom planiranju i korištenju zemljišta na nivou Federacije Bosne i Hercegovine, u tekstu kako ga je predložila Vlada FBIH.

Prijedlog zakona razmatrala su i nadležna radna tijela.

Prijedlog zakona obrazložio je predstavnik Federalnog ministarstva prostornog uređenja.

U raspravi je učestvovao Aner Žuljević.

Predsjedavajući je istakao da je moguće da postoji problem s kvorumom.

Jasmin Duvnjak je zatražio pojedinačno izjašnjavanje, i izrazio sumnju u rezultate glasanja.

Predsjedavajući je pozvao sekretara da izvrši pojedinačno izjašnjavanje u skladu sa odredbama člana 113. Poslovnika o radu.

Tonski dio prozivke je sastavni dio transkripta.

Na osnovu rezultata glasanja, predsjedavajući je konstatovao da je Dom naroda sa 34 glasa za i jednim suzdržanim glasom usvojio Prijedlog zakona o dopunama Zakona o prostornom planiranju i korištenju zemljišta na nivou Federacije BiH.

3. Prijedlog zakona o izmjeni i dopuni Zakona o sudovima u Federaciji Bosne i Hercegovine, (predlagač: Stipan Šarac, delegat u Domu naroda Parlamenta Federacije BiH) - skraćeni postupak,

Predstavnički dom Parlamenta Federacije BiH je obavijestio Dom naroda da je na svojoj 15. sjednici održanoj 15.10.2020. godine usvojio Prijedlog zakona o izmjenama i dopunama Zakona o sudovima Federacije BiH a na prijedlog predlagača Petra Galića i Ante Bakovića.

Prijedlog zakona dostavljen je Vladi Federacije BiH koja je dala pozitivno mišljenje.

Prijedlog zakona obrazložio je Stipan Šarac, predlagač Zakona.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda usvojio Prijedlog zakona o izmjeni i dopuni Zakona o sudovima u Federaciji Bosne i Hercegovine sa 35 glasova za, bez glasova protiv i bez suzdržanih glasova.

4. Prijedlog zakona o izmjenama Zakona o penzijskom i invalidskom osiguranju - (predlagači: Fahrudin Skopljak i Ivo Tadić, delegati u Domu naroda) skraćeni postupak,

Predstavnički dom Parlamenta Federacije BiH obavijestio je Dom naroda da je na 24. sjednici održanoj 27.7.2021. godine usvojio Prijedlog zakona o izmjenama Zakona o penzijskom i invalidskom osiguranju u tekstu kako je predložen od strane predlagača Zijata Mušića, zastupnika u Predstavničkom domu.

Tekst Prijedloga zakona predlagača delegata Fahrudina Skopljaka i Ive Tadića je istovjetan Prijedlogu teksta zakona Zijata Mušića, zastupnika u Predstavničkom domu.

Prijedlog zakona dostavljen je Vladi Federacije BiH na davanje mišljenja.

Tekstove su razmatrala nadležna radna tijela.

Prijedlog zakona obrazložio je Fahrudin Skopljak, jedan od predlagača Zakona.

U raspravi su učestvovali Zvonko Marić, Nijaz Musić, Aner Žuljević, Rasim Pajić, Jasmin Duvnjak, Alisa Hajdarević, Ilija Nakić, Senad Čeljo i Edim Fejzić.

Na osnovu rezultata glasanja, predsjedavajući je konstatovao da je Prijedlog zakona o izmjenama Zakona o penzijskom i invalidskom osiguranju dobio potrebnu većinu, sa 42 glasa za, bez glasova protiv i bez suzdržanih glasova.

5. Prijedlog zakona o izmjenama i dopunama Zakona o registraciji poslovnih subjekata u Federaciji Bosne i Hercegovine,

Tekst Prijedloga zakona utvrdila je Vlada Federacije BiH.

Predstavnički dom Parlamenta Federacije BiH obavijestio je Dom naroda da je na 18. sjednici, održanoj 26.1.2021. godine usvojio Prijedlog zakona o izmjenama i dopunama Zakona o registraciji poslovnih subjekata u Federaciji Bosne i Hercegovine, u tekstu kako ga je predložila Vlada FBiH.

Prijedlog zakona obrazložio je Damir Šapina, predstavnik Federalnog ministarstva pravde.

U raspravi je učestvovao Aner Žuljević.

Na osnovu rezultata glasanja, predsjedavajući je konstatovao da je ovaj Prijedlog zakona dobio potrebnu većinu sa 30 glasova za, bez glasova protiv i bez suzdržanih glasova.

6. Nacrt zakona o zaštiti prava na suđenje u razumnom roku,

Nacrt Zakona je utvrdila Vlada FBiH.

Predstavnički dom Parlamenta Federacije BiH obavijestio je Dom naroda da je na 19. sjednici, održanoj 24.2.2021. godine razmatrao Nacrt ovog Zakona i Zaključkom ga prihvatio.

Nacrt Zakona obrazložio je Damir Šapina, predstavnik Federalnog ministarstva pravde.

U raspravi su učestvovali Boris Krešić, Damir Džeba, Žarko Vujović, Aner Žuljević i Nijaz Musić.

Predsjedavajući je stavio na glasanje sljedeći:

ZAKLJUČAK

1. Dom naroda Parlamenta FBiH prihvata Nacrt Zakona o zaštiti prava na suđenje u razumnom roku i smatra da može poslužiti kao osnov za izradu Prijedloga Zakona.
2. Zadužuje se predlagač da organizira i provede javnu raspravu u trajanju od 60 dana.

3. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda, kao i one koje su dostavljene ili će biti dostavljene u pismenoj formi.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH nije prihvatio Nacrt zakona o zaštiti prava na suđenje u razumnom roku.

Sjednica je prekinula sa radom u 15 sati i 7 minuta.

* * *

Transkript sjednice čini sastavni dio Zapisnika.

NASTAVAK SJEDNICE OD 14.10.2021. GODINE

Sjednica je počela sa radom u 12 sati i 18 minuta.

Sjednicom je predsjedavao Tomislav Martinović, predsjedavajući Doma naroda.

Predsjedavajući je pozdravio prisutne delegate.

Izostanak sa današnje sjednice su najavili sljedeći delegati: Drago Puzigaća, Nikica Bosnić, Dragana Damjanović, Senad Ahmetović, Edin Fejzić, Ramo Isak, Damir Marjanović, Ivo Tadić, Marija Rašić, Aleksandar Štrbac, Rasim Kantarević i Mirela Trepanić.

Prema evidenciji Stručne službe sjednici prisustvuje 36 delegata, što čini većinu, pa Dom naroda može raditi i punovažno odlučivati.

Za nastavak sjednice preostale su sljedeće tačke dnevnog reda:

- 7.) Nacrt zakona o izmjenama i dopunama Zakona o zaštiti korisnika finansijskih usluga,
- 8.) Nacrt zakona o izmjenama i dopunama Zakona o Poreznoj upravi Federacije Bosne i Hercegovine
- 9.) Nacrt zakona o izmjeni i dopuni Zakona o novčanim podrškama u poljoprivredi i ruralnom razvoju – (predlagači: Sanela Klarić, poslanica u Predstavničkom domu i Vibor Handžić, delegat u Domu naroda),
- 10.) Nacrt zakona o izmjenama i dopunama Zakona o izvršnom postupku,
- 11.) Nacrt zakona o izmjeni Zakona o pripadnosti javnih prihoda u Federaciji Bosne i Hercegovine (predlagači: Jasmin Duvnjak, Ivo Tadić i Slađan Ilić, delegati u Domu naroda)
- 12.) Izvještaj Parlamentarne komisije odgovorne za reviziju o izvještajima revizije finansijskih izvještaja javnih preduzeća, agencija, zavoda i fondova iz nadležnosti Parlamenta Federacije BiH za 2017., 2018. i 2019. godinu,

13.) Izvještaj Parlamentarne komisije odgovorne za reviziju o revizijskim izvještajima revidiranih subjekata i korisnika Budžeta Federacije BiH za 2019. godinu.

Predsjedavajući je podsjetio prisutne delegate da se sjednica održava pod posebnim epidemiološkim mjerama, po rasporedu sjedenja u dvije dvorane i da se svi pojedinačno pridržavaju zadatih mjera.

7. Nacrt zakona o izmjenama i dopunama Zakona o zaštiti korisnika finansijskih usluga,

Tekst zakona utvrdila je Vlada Federacije BiH.

Predstavnički dom Parlamenta Federacije BiH obavijestio je Dom naroda da je na 19. sjednici, održanoj 24.02.2021.godine razmatrao Nacrt ovog zakona i Zaključkom ga prihvatio.

Nacrt zakona razmatrala su nadležna radna tijela koja su dostavila svoje izvještaje. Nacrt zakona obrazložila je Mirjana Vučić, predstavnica Federalnog ministarstva finansija.

U raspravi je učestvovao Aner Žuljević.

Predsjedavajući je potom stavio na glasanje sljedeći:

Z A K L J U Č A K

1. Dom naroda Parlamenta Federacije BiH prihvata Nacrt zakona o izmjenama i dopunama Zakona o zaštiti finansijskih usluga i smatra da može poslužiti kao osnov za izradu prijedloga zakona.
2. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda kao i one koje će biti dostavljene u pismenoj formi.

Na osnovu rezultata glasanja, predsjedavajući je konstatovao da je Dom naroda prihvatio ovaj Zaključak sa 41 glasom za, bez glasova protiv i bez suzdržanih glasova.

8. Nacrt zakona o izmjenama i dopunama Zakona o Poreznoj upravi Federacije Bosne i Hercegovine,

Nacrt zakona utvrdila je Vlada FBiH.

Predstavnički dom Parlamenta Federacije BiH obavijestio je Dom naroda da na sjednici održanoj 06.07.2021.godine nije prihvatio da se ovaj zakon razmatra kao

Prijedlog zakona po skraćenom postupku, već ga je razmatrao u formi Nacrta zakona i Zaključkom ga prihvatio.

Nacrt zakona obrazložila je Medina Dudo, pomoćnica ministrice finansija.

U raspravi niko nije učestvovao.

Predsjedavajući je potom stavio na glasanje sljedeći:

ZAKLJUČAK

1. Dom naroda Parlamenta Federacije BiH prihvata Nacrt zakona o izmjenama i dopunama Zakona o Poreznoj upravi Federacije BiH i smatra da može poslužiti kao osnov za izradu Prijedloga zakona.
2. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda kao i one koje će biti dostavljene u pismenoj formi.

Na osnovu rezultata glasanja, predsjedavajući je konstatovao da je ovaj zaključak dobio podršku Doma naroda sa 42 glasa za, bez glasova protiv i bez suzdržanih glasova.

9. Nacrt zakona o izmjeni i dopuni Zakona o novčanim potporama u poljoprivredi i ruralnom razvoju (predlagači: Sanela Klarić, poslanica u Predstavničkom domu Parlamenta Federacije BiH i Vibor Handžić, delegat u Domu naroda)

Nacrt zakona obrazložio je Vibor Handžić, predlagač i delegat u Domu naroda.

Predstavnički dom Parlamenta Federacije BiH obavijestio je Dom naroda da na 22. sjednici održanoj 26.05.2021.godine, nije prihvatio da se Prijedlog zakona o izmjeni i dopuni Zakona o novčanim potporama u poljoprivredi i ruralnom razvoju razmatra po skraćenom postupku već ga je razmatrao u formi Nacrta i Zaključkom ga prihvatio.

Vlada Federacije BiH je dostavila svoje Mišljenje o ovom zakonu.

U raspravi niko nije učestvovao.

Predsjedavajući je potom stavio na glasanje sljedeći:

ZAKLJUČAK

1. Dom naroda Parlamenta Federacije BiH prihvata Nacrt zakona o izmjenama i dopunama Zakona o novčanim potporama u poljoprivredi i ruralnom razvoju i smatra da može poslužiti kao osnov za izradu Prijedloga zakona.

2. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda kao i one koje će biti dostavljene u pisanoj formi.

Na osnovu rezultata glasanja, predsjedavajući je konstatovao da je ovaj zaključak dobio potrebnu većinu sa 41 glasom za, bez glasova protiv i bez suzdržanih glasova.

10. Nacrt zakona o izmjenama i dopunama Zakona o izvršnom postupku

Nacrt zakona utvrdila je Vlada Federacije BiH.

Predstavnički dom Parlamenta Federacije obavijestio je Dom naroda da je na 24. sjednici održanoj 27.07.2021.godine razmatrao Nacrt ovog zakona i Zaključkom ga prihvatio.

Nacrt zakona razmatrala su i nadležna radna tijela.

Nacrt zakona obrazložio je Damir Šapina, predstavnik Federalnog ministarstva pravde.

U raspravi je učestvovao Aner Žuljević.

Predsjedavajući je potom stavio na glasanje sljedeći:

ZAKLJUČAK

1. Dom naroda Parlamenta Federacije BiH prihvata Nacrt zakona o izmjenama i dopunama Zakona o izvršnom postupku i smatra da može poslužiti kao osnov za izradu Prijedloga zakona.
2. Zadužuje se predlagač da obavi javnu raspravu u roku od 60 dana od dana donošenja ovog zaključka.
3. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda, kao i one koje su dostavljene ili će biti dostavljene u pismenoj formi.

Na osnovu rezultata glasanja, predsjedavajući je konstatovao da je ovaj zaključak dobio potrebnu većinu sa 42 glasa za, bez glasova protiv i bez suzdržanih glasova.

11. Nacrt zakona o izmjenama Zakona o pripadnosti javnih prihoda u Federaciji BiH (predlagači Jasmin Duvnjak, Ivo Tadić i Slađan Ilić, delegati u Domu naroda),

Predstavnički dom Parlamenta Federacije BiH obavijestio je Dom naroda da na 22. sjednici, održanoj 26.05.2021.godine, nije prihvatio da se Nacrt zakona o izmjeni Zakona o pripadnosti javnih prihoda u Federaciji BiH koji je predložila skupina zastupnika u Predstavničkom domu razmatra po skraćenom postupku, već ga je razmatrao u formi Nacrta i Zaključkom prihvatio.

Nacrt zakona obrazložili su Jasmin Duvnjak i Slađan Ilić, predlagači Zakona.

U raspravi su učestvovali Elmedin Konaković, Tomislav Mandić, Senad Čeljo, Nijaz Musić, Damir Jurišić, Aner Žuljević, Tomislav Martinović, Damir Džeba, Stipan Šarac, Dževad Hadžić, Žarko Vujović, Fahrudin Skopljak, Senad Alić, Zvonko Marić, Hadis Jusić, Vibor Handžić, Mladen Simić, Slađan Ilić i Jasmin Duvnjak.

Nakon kratke pauze od pet minuta, predsjedavajući je stavio na glasanje sljedeći:

ZAKLJUČAK

1. Dom naroda Parlamenta Federacije BiH prihvata Nacrt zakona o izmjeni Zakona o pripadnosti javnih prihoda u Federaciji BiH i smatra da može poslužiti kao osnov za izradu Prijedloga zakona.
2. Zadužuju se predlagači da organizuju i provedu javnu raspravu u trajanju od 60 dana.
3. Zadužuju se predlagači da prilikom izrade Prijedloga zakona imaju u vidu primjedbe, prijedloge i sugestije iznesene na sjednici Doma naroda, kao i one koje su dostavljene ili će biti dostavljene u pismenoj formi.

Na osnovu rezultata glasanja, predsjedavajući je konstatovao da je ovaj zaključak dobio potrebnu većinu sa 32 glasa za, bez glasova protiv i šest suzdržanih glasova.

Predsjedavajući je potom stavio na glasanje malo modificiran Zaključak delegata Anera Žuljevića:

ZAKLJUČAK

1. Dom naroda Parlamenta Federacije BiH traži od Vlade FBiH da slijedom rasprava iznesenih na 13. sjednici Doma naroda, održanoj 14.10.2021. godine u roku od 60 dana dostavi sveobuhvatne izmjene Zakona o pripadnosti javnih prihoda koji će zadovoljiti elemente transparentnosti, pravičnosti i ravnopravnosti u raspodjeli javnih prihoda u Federaciji Bosne i Hercegovine.
2. Zaključak stupa na snagu danom donošenja.

Na osnovu rezultata glasanja, predsjedavajući je konstatovao da je ovaj zaključak dobio potrebnu većinu sa 38 glasova za, bez glasova protiv i bez suzdržanih glasova.

12. Izvještaj Parlamentarne komisije odgovorne za reviziju o izvještajima revizije finansijskih izvještaja javnih preduzeća, agencija, zavoda i fondova iz nadležnosti Parlamenta Federacije BiH za 2017., 2018. i 2019. godinu

Parlamentarna komisija odgovorna za reviziju dostavila je Izvještaj Parlamentu Federacije BiH radi usvajanja i prihvatanja.

Predstavnički dom Parlamenta Federacije BiH obavijestio je Dom naroda da je na 24. sjednici održanoj 27.07.2021.godine, razmatrao izvještaj Parlamentarne komisije odgovorne za reviziju o izvještajima revizije finansijskih izvještaja javnih preduzeća, agencija, zavoda, i fondova iz nadležnosti Parlamenta Federacije BiH za 2017., 2018. i 2019.godinu i Zaključkom ga prihvatio.

Izvještaj Parlamentarne komisije obrazložio je Dževad Nekić, generalni revizor Ureda za reviziju Federacije BiH.

U raspravi su učestvovali Aner Žuljević, Slađan Ilić, Zvonko Marić i Dževad Nekić.

Predsjedavajući je potom stavio na glasanje sljedeći:

ZAKLJUČAK:

1. Dom naroda Parlamenta Federacije Bosne i Hercegovine prihvata Izvještaj Parlamentarne komisije odgovorne za reviziju o izvještajima revizije finansijskih izvještaja javnih preduzeća, agencija, zavoda i fondova iz nadležnosti Parlamenta Federacije Bosne i Hercegovine za 2017., 2018. i 2019. godinu sa zaključcima Parlamentarne komisije odgovorne za reviziju i obavezuje revidirane subjekte da pristupe otklanjanju pojedinačnih nedostataka utvrđenih u izvještajima.
2. Zaključak stupa na snagu danom donošenja.

Na osnovu rezultata glasanja, predsjedavajući je konstatovao da je ovaj Zaključak dobio potrebnu većinu sa 36 glasova za, bez glasova protiv i bez suzdržanih glasova.

13. Izvještaj Parlamentarne komisije odgovorne za reviziju o revizijskim izvještajima revidiranih subjekata i korisnika Budžeta Federacije BiH za 2019.godinu.

Parlamentarna komisija odgovorna za reviziju dostavila je Izvještaj Parlamentu Federacije BiH radi usvajanja i prihvatanja.

Predstavnički dom Parlamenta Federacije BiH obavijestio je Dom naroda da je na 24. sjednici održanoj 27.7.2021.godine razmatrao Izvještaj Parlamentarne komisije odgovorne za reviziju o izvještajima revidiranih subjekata i korisnika Budžeta Federacije BiH za 2019.godinu i Zaključkom ga prihvatio.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda sa 34 glasa za usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Izvještaj Parlamentarne komisije odgovornog za reviziju o revizijskim izvještajima revidiranih subjekata i korisnika Budžeta Federacije BiH za 2019. godinu koji su bili predmet javnih saslušanja Parlamentarne komisije odgovorne za reviziju i obavezuje revidirane subjekte da pristupe otklanjanju pojedinačnih nedostataka utvrđenih u izvještajima.
2. Zaključak stupa na snagu danom donošenja.

Sjednica je završila sa radom u 15 sati i 49 minuta.

* * *

Transkript sjednice čini sastavni dio Zapisnika.

SEKRETAR
Izmir Hadžić

PREDSJEDAVAJUĆI
Tomislav Martinović